

武

夷

集

修真十書武夷集卷之四十五

海 南 白 五 蟾 著

武夷重建止庵記

武夷之爲山考古秦人列仙傳蓋錢鏗於此
鍊丹焉錢鏗進雉羹於堯堯封於彭城後謂
之彭祖年及七百七十七歲而亡生平惟隱
武夷山茹芝飲瀑能乘風御氣騰身躡空豈
非仙也耶鏗有子二人其一曰錢武其次曰
錢夷因此遂名武夷山三十六峯第一峯九
曲溪頭最初曲其地也始則有太姥元君即

其地以結廬次則張湛繼其蹤而入室其後
有如魚道超魚道遠皆秦時之女真入此而
隱焉然此地其深邃不可言四圍皆生毛竹
人有樵採而見之者因毛竹而目此二魚焉
毛女至今稱之晉人婁師鍾唐人薛邴皆於
此地鍊真養元而去本朝又聞東京李洵真
洛濱李鐵笛燕山李磨鏡相踵於其地卜築
也丞相李綱亦嘗訪此三李而符其夙昔夢
雪之夢蓋欲於此而建吏隱亭焉由是而後
有尼師數代人名其庵曰禪庵號其地曰禪

巖鳴呼奇人異士不世而出自爾庵亦傾壤
地皆荆榛但聞所謂止止之名而無稽考之
迹山南曾孫詹琰夫其字美中蓋世代替紱
而曾字英傑之人也一旦嘆曰太史公窮九
疑韓文公登太華是皆思古而感慨者焉豈
好奇之謂也濁世仕路多阨塞不如結方外
友以爲井竈砂汞之學夫其或者可飛昇焉
可尸解焉仙有可求豈不容力非曰能之願
學焉忽有瓊瑤白玉蟾自廣閩出而至武夷
適有披榛誅茆之意蓋亦契券詹美中之臆

素從而搜訪止止庵之地開幾百年不踐之
苔刻三五里延蔓之草於是得其地焉歲在
嘉定丙子之王春始鳩工斲梓僇夫運甃然
而開創之難未幾而白玉蟾拂袖天台鴈蕩
矣玉蟾言旋而庵始成美中固欲挽之以爲

卷三

二

三李隱居之設玉蟾蓋憚朱紫之往來而膏
車秣馬適所以廢吾事而汨吾心且自謂美
中曰庵成皆子之餘財餘力故也不彈指頃
堂宇落就非霹靂手誰能如是今但擇其道
寧心耐志守素樂靜之士延而居之使其開

墜數時花木繁盛而玉蟾此去羅浮入室回
必求身以住持之美中曰然又曰然則生先
既去也寧不為我記其庵而盟他日之再來
乎玉蟾曰唯然是庵背倚幔亭峯面對虎嘯
巖左則天柱峯右則鐵觀嶂入去不數舉武
則有朱晦庵仁智堂出來繞一喚地則有魏
王會真廟其間有冲佑觀脩廊數百間層樓
數十所玉笈錦囊舉皆御書瓊橫琅龕悉儲
仙蛻大雲金身之招提實左右乎止止之庵
側後則瀑布懸崖萬丈雪花前則碧流盈溪

龍湫蛟漭上有天鑑池可以通弱水下有昇
真洞可以透蓬萊若武夷千巖萬壑之奇千
山萬水之勝莫止止庵之地若也雲寒玉洞
煙鎖琪林紫檜封丹清泉浣玉猿隨羽客鶴
唳芝田鐵笛一聲羣仙交集螺盃三飲步虛
吟冷蓋可以歌太空紫虛之洞章吟玉靈羽
翮之仙曲然則塵埃不礙眼古今皆一時而
絳幔虹橋之事猶宛然矣奇哉青草青百鳥
吟亦可碁亦可琴有酒可對景無詩自詠心
神仙渺茫在何許武夷君在山之陰孤舟隻

棹歸去來瓊花滿洞何處尋豈非止止壺清
絕勝妙處也詹美中定知玉皇將再宴白玉
蟾亦將鍊七返九還之丹此日此文不徒作
也則然若異日有異事猶見止止庵不徒建
也嘗記元祐盛時人在霍童山建一茅庵謂
之寂寂不數年而庵之東已蛻矣而此庵遂
泯至隆興間再有人啓之一二年而所啓之
人乃遇向日先創庵者於是皆仙去事皆集
仙傳今而美中之事又蹤跡頗類之蓋止止
者止其所止也周易艮卦兼山之義蓋發明

止止之說而法華經有止止妙難思之句而○
莊子亦曰虛室生白吉祥止止是知三教之
中止止爲妙義有如鑑止水觀止月吟六止
之詩作八止之賦整整有人焉止止之名古
者不徒名止止之庵今人不徒復興必有得
止止之深者宅其庵焉然則青山白雲無非
止止也落花流水亦止止也啼鳥哀猿荒苔
斷蘚盡是止止意思若未能止止者參之已
有止止所得者政知行住坐臥自有不止之
止非徒殫枯木死灰也予特止止之輩也今

記此庵之人同予入止止三昧供養三清高
上天一切衆生證止止止非止之止止實
謂止其止之止而已矣海南白玉蟾識先野
後人幔亭曾孫龜峯詹琰夫立銘

贈知宮王南紀洞章

宋三

古熙策雲南飛庚伏正裨晴槐舞薰新蜩噪
晚止錫琳宮仰惟官宰真人江山態度風月
襟懷神仙中人不易得也嘗撫羣仙家譜舊
矣王棋則老聃之蘄著高弟也王楠則蒙莊
之函蘇道契也鬱單無量天則王雍御雷笈

梵監須延天則王紹識運曆魯人王碩鍊玉
雲丹於淳雍山秦人王喬鍊九神丹於天華
洞其後王長王敏出於漢晉王茂王載卿出
於魏唐近世雲鶴子作三一靈篇煙松子作
金丹樞要逍遙子作還丹結集清虛子作丹
道指迷皆其族人也其門天人隱顯殆莫一
二且云丹山之鳳必生鸞鷲赤澤之馬必生
麒麟有如仙裔繩繩名仙至人層見鱗出千
百歲下挺生真人坐董洞天星弁左右葆毓
天粹扶剔幽奧咀太元之精採真一之氣其

治心也如鏡內像其應世也如水中月休功
丕德光前絕後當世道俗曳手俯額目爭視
手爭指莫不曰其道如是其德如是乃作洞
章以歌之歌曰

黃道珠躔闕一點方寸無人洞門掩桑田未

某三

五

變海水滅琪樹開花綠冉冉小有瑤章落龍
虎月壇香冷宮誰主真人颺下神霄鸞天騶
慘慘歸紫府千山萬山鎖青煙三樹兩樹啼
斷猿風飛楊花三月寒人在城門煙水村生
而神靈長威武笑携一卷黃庭去坐斷琳宮

主飪粥星弁霞裙滿堂廡四海橫香航燭人
肘行膝步來如雲愛河翻波渺無際花生鐵
柱鄧都春把握陰陽一呼吸長嘯一聲鬼神
泣仗劍喚雨輕撼環化篆召雷略舉筆當年
檄赴內道場黃麻紫墨星爭光歸來百廢喜
具舉規模輪奐重鋪張翻思龍漢元年事撞
破混元識行李滿鼎鉛霜火焰飛綠顏雪齒
君知否松竹瀟瀟生冷風白鶴一去草廬空

謁仙行贈萬書記

辨管飛葭方孟蒼青女仍前夜行惡連日東

風生峭寒黃鸝聲斷梅花落客來武夷訪靈
蹤八字洞門無鎖鑰溪頭昨夜添新雨挑片
滿溪紅灼灼蒼苔滿地空綠勻芳草無言煙
漠漠搖蕩聲乾丹井寒虹橋一斷收霞暮千
古松風學鳳笙向晚清客滿林壑山光不動

舊松竹洞中慘慘悲猿鶴機巖學館空無人
紫嶺丹丘久蕭索霧暗平林虎長嘯碧潭生
花老龍躍峭崖飛鳥不敢過萬丈蒼瓊具峻
削山中金蟾不可尋石邊且取黃芝嚼我生
○逍遙事落魄泉石煙霞得真樂身披綠麻戴

青筠橫擔碧藜躡芒屨只愛山林賦城郭却
厭膏粱愛藜藿冷眼石上入華胥夢見太虛
無斧鑿竭來洞中未半餉轉盼又覺經旬朔
今朝雲頭雨收脚欲歸又被溪山縛欲作此
地三間茅朝餐紅霞暮飲瀑六已有神仙分定
緣定知道外無乾坤只愁天上多官府九轉
丹成未敢吞

畫中衆仙歌

不與飲盡孫權酒正欲畫屏筆脫手一點凝
墨狀生蠅剔之不飛心始驚獻之興來拈起

筆筆如解飛自鈞掣
歲染松煙作犢牛脫似
偃角眠沙丘蕭真深得鶴
三昧胸中不與造化礙
一幅素綃如片天雪翎欲
起凌蒼煙僧繇醉後勦勦
睡睡起濡墨作石塊擘山
裂巖而擊雲或如伏虎如
露拳愷之畫蘭藏玉筍
開而視之已飛去安得翠
葉成寒叢四景常使飄春
風聞道南齋字文煥精筆
妙墨掃蒼鴈伏頸吸水昂
頸飛髣象荷枯沙瘦時唐
有處士具道元丹青之餘
多畫猿狀出抱子落寒泉
又如彎弓遶樹奔李成畫
虎常作怒鬼

神不敢正眼覩但見紙上生猙獰開口解嘯
風悲鳴葉公好龍故學畫不覺心孔開一罅
紙上筆畫方似龍風髯浪鬣來爭雄韓幹畫
馬得滋味霜蹄巧作追風勢可憐張口嘶無
聲宋三只惜風稜瘦骨成江頭細草為誰綠只有
風煙相管束阮瞻收拾草精神筆端與草私
為春畫魚古有康靈叔擲頭擺尾萬鱗足紅
鱗紫鯉成隊行躍碎瑠璃跳上冰仁老曾中
有雪月畫出梅花更清絕曾直嗅之嫌無香
幻出江南煙水鄉張臻虛心而學竹風雨滿

瀟生錦軸風枝雨榦欲化龍不堪裁杖扶葛
洪錢覲畫松掃煙雨松梢鶴立飛不去凌風
傲雪冷幾時翠色不改常清竒王維筆下多
山水千山萬水一彈指萬頃玻璃碧欲流千
層翡翠波上浮有時畫出幾枯木一片落霞
間飛鷺有時畫出古澗泉浪花袞袞人不聞
有時花落鳥啼處正是千村俵秋雨有時日
暮鴉鳴時煙際鍾聲催月遲有時移却瀟湘
岸移入洞庭彭蠡畔有時掇過天台山相對
鴈蕩煙雨寒古人去後無人學學者往往得

皮殼鬼神却易狗馬難匠世未能窺一斑見。
君丹青與水墨筆下刻出心中畫一發纔精
百發精留取後世不死名

拙庵

笑携藜杖倚寒松現世神仙一拙翁冠簡投
關離玉闕天人推出鎮琳宮身居星弁霞裾
上心在煙都月府中豈是摩挲令髮黑不須
服餌自顏紅百年贏得十分訥萬事算來俱
是空解識蜘蛛空結網能言鸚鵡被樊籠閑
將世味閑中嚼靜把天機靜處窮學巧不如

藏巧是忘機不與用機同虛空不語虛空廣
造化無聲造化公六賊奈人閑不得十魔見
我懶相攻凝神多得伴呆力養氣無非守口
功欲雨只消呼潦滉要雷略自召靈靈人間
若也不容住學騎白鶴乘天風

卷三

八

修真十書武夷集卷之四十五

修真十書武夷集卷之四十六

菜四

海 南 白 玉 蟾 著

贊歷代天師

第一代天師正一靜應真君諱道陵

字輔漢

雲錦山前鍊大丹
六天魔魅骨毛寒
一從飛鶴歸玄省
煙雨瀟瀟玉局壇

第二代嗣師諱衡字靈真

光初載大丹成
有甚工夫事漢靈
夜半玉輿飛紫露
春風春雨滿陽平

第三代係師諱魯字公期

笑把銅章尹漢中
隱山斗米顯神功
魏兵四畔臨河岸
彈指波心萬丈峯

第四代諱滋字元微

鄱陽策杖抵巖顛
舊有丹爐鎖暮煙
今古一

雙龍虎石侍郎仙
去是何年

第五代諱昭成字道融

數千里外露陽神
丹竈灰寒結紫雲
兩虎歸林人不見
數枝菌草鶴穿墳

第六代諱椒字德馨

丹書玉札隱琅函雲幾飛空鶴幾驂告別門
人歸去後夜來素月落寒潭

第七代諱仲回字德昌

當年辟穀鍊仙丹
召雨呼雷譬似閑
四海有人膺法籙
笑携筇去鶴鳴山

第八代諱迥字彥超

丹篆纔書泣鬼神
年踰九十脫紅塵
至今巖上結廬處
夜半鳳凰棲綠筠

第九代諱符字德信

上饒山水甲江南
一錫橫飛欲結庵
忽遇至

人煙靄外歸來無語隱松巖

第十代諱子祥字鱗伯

滿室神光夜欲闌靈丹吐出掌中看當時鶴
唳佳城外空有霓裳掩玉棺

第十一代諱通字仲達

某四

二

閉戶凝神四十年青鸞赤璽策雲軒瓊棺數
月金軀冷滿室天香酌一樽

第十二代諱仲常字德潤

鶴書曾詔赴宸京歸作分形化景人昨夜飲
酣曾吐酒醒來又薄甕頭春

第十三代諱光字德昭

幾年辟穀學飛行撞破秋空一點青
纒到暮林風月夜洞天隱隱步虛聲

第十四代諱慈正字子明

丹鼎能乾活水銀舉家一念贍貧民
空中動破雲韶樂白鶴飛來風雨春

第十五代諱高字士龍

丹臺一點玉髯翁千古天師張士龍
招弄谿山詩技巧吐吞風月酒神通

第十六代諱應韶字治鳳

一畝閑雲獨自耕
草廬寂寂誦黃庭
又言辟穀歸山後
月夜時聞鐵笛聲

第十七代諱順字仲孚

貴谿一尉隱家山
靜結茅廬三兩間
九十歲時尸解日
時人猶見是童顏

第十八代諱士元字仲良

神水華池養白鴉
玉爐進火結丹砂
仙家妙用無人識
頃刻能開桃李花

第十九代諱修字德真

玉局瑤篇龍鳳文
三元開度士如雲
翻身踏

著蓬萊路浴罷焚香自入墳

第二十代諱諶字堅德

吸乾酒海一須臾冠冕元壇百歲餘不食人間煙火氣能傳天上電花書

第二十一代諱秉一字溫甫

入腹金龜夢正疑琳房初誕謫仙兒丹傳祖印百來歲執簡歸仙地震時

第二十二代諱善字元長

參遍名山謁洞天相逢却是活神仙歸來換骨回陽日屈指人間九十年

第二十三代諱季文字仲歸

玉盃祝水起波雲筆下雷聲泣鬼神龍虎山
前山後問先生活盡幾多人

第二十四代諱正隨字寶神

人在犁鋤煙水鄉結茅高臥小松崗勒封真
靜先生號一卷仙經一炷香

第二十五代諱乾曜

橫握鎬鉞入洞天洞天漠漠掩寒煙仁宗親
問金丹訣笑拚斜陽噪亂蟬

第二十六代諱嗣宗

朱砂鼎裏鍊金晶
默禱天皇入紫冥
月落半山丹
井水猿聲驚斷滿天星

第二十七代諱象中字拱辰

仁皇恩賜紫衣時方是
寧馨七歲兒
閑把洞章歌一闕
不知鸞鶴滿天飛

第二十八代諱敦復字延之

棘園戰罷笑歸來
一寸功名心已灰
白鶴何年歸洞府
夕陽影裏野猿哀

第二十九代諱景端字子仁

當年仙去鶴巢空
萬壑千崖夕照紅
人在丹

丘玄圃外瀟瀟松桂夜來風

第三十代諱繼先字遵正

纂著成都人姓劉丹成蛻跡入羅浮瓊樓數
紙御書在虛靜先生已掉頭

第三十一代諱時修字朝英

是箇清都一散郎凝神聚氣鍊丹陽片雲孤
鶴無蹤跡半夜風寒萬里霜

第三十二代諱守真字遵一

鶴頸龜腮骨已仙星壇長嘯誦瓊篇自從闕
下歸仙後一枕清風幾萬年

木郎祈雨呪并註

乾晶瑤輝玉池東

乾者亥方也西北之位爲天門也天中之
晶乃瓊華瑤輝之境梵氣之上玉符之中
有玉池東際乃空洞之城是雷神所居之
案四
所也

盟威聖者命青童

九天有无極盟威真人乃聖者也真人行
號今召命東方蠻雷神將姓朱名青童

擲火萬里坎震宮

○擲火萬里乃雷師之威也流鈴八衝乃雷母之權也自坎之震乃自北而東也地從東北而生故東北乃雷府之宮故易曰雷在地中復也

兩騎迅發來太濛

雷車兩騎風駕雷轅皆雷神部從也奮迅自空中而來故曰來太濛也

木郎太乙三山雄

太乙碧玉之府乃木郎皓靈神君居其左主祈兩瑞華東靈神君居其右主祈雪左

宮有三山右宮有四壘木郎乃太乙府左
宮三山之雄神也

霹靂破石泉源通

雷神以雷槌雷斧破石通其旱涸之泉源
也

坤震巽土皓靈翁

坤屬西方震屬東方巽已屬南方以西方
之金尅東方之木以東方之木生南方之
火生中宮之土土能尅水水師乃皓靈翁
也欵火神居西方主帥辛判官在東方邵

陽雷公在南方五方蠻雷會於玉樞使相
之中宮玉樞乃斗樞也斗中有都水使者
乃皓靈翁也是故激厲如是

猛馬四張歛火衝

雷神四方馳猛馬中宮歛火飛空下乃雷

羊口

六

呪中語

流精鬱光奔祝融

水神名玄溟字流精雨神名滂濇字鬱光
火神名回祿字祝融以水神雨神驅奔火
神也

巨神泰華登雲中

泰華乃東嶽上卿巨神乃西嶽白虎神主也奔迸於雲中也

墨旒皂霧揚虛空

墨旒皂霧狀似陰雲飛揚虛空沛然下雨

掩曦蒸雨屯雲濃

屯聚濃雲掩隱炎曦釀陰雨也

闕伯撼動崑崙峯

南方熒惑星君下有闕伯神君撼動崑崙峯之山頂有天河也此言火神動山嶽傾天

○ 河也

幽靈翻海玄溟同

水神名玄溟波神名翻海江神名幽靈此
言波神用力與江神用力而水神亦同力
行雨也

馮夷鼓舞長呼風

萊四

六波天主帝君乃馮夷也鼓舞長呼起風
雨也

蓬萊弱水興都功

蓬萊有都水使者弱水有水功使者

龍鷹捷疾先禦兇

雷府有火龍之車火鷹之騎先禦炎兇也

朱髮巨翅雙目彤

歛火律令鄧大帥有朱髮兩畔肉翅銀牙

耀日

雷電吐毒驅五龍

雷公電母吐威毒之氣驅五海之龍

四溟發黠羅陰容

四海黯靄森羅陰色

一聲四海改昏蒙

○霹靂一聲則四海之內改炎熱而為昏蒙。
雨陣所至川流洪

雨騎如陣飛空而至川流洪水

金光流精斬旱虹

金光流精乃西南雷神人首神身仗火劍

斬蟠螭也

洞陽幽靈召靈靈

洞陽幽靈乃東北雷神人首魚身號召雷

師靈靈也

玉雷浩師變崆峒

玉雷浩師乃東南雷神人首龜身變陰黑
之色滿雷府崆峒之城也

虛皇泰華掃妖燼

虛皇泰華乃西北雷神人首蛇身掃蕩為

旱之妖燼

卷四

羣梁玄黃號前鋒

羣梁玄黃乃風神也風神號於雷陣之前

鋒

祠泉恣蜃威天公

祠者禱也泉者龍潭也恣者縱也蜃者蛟

○ 虬也威天公者施行天公之威也 ○

欵火律令翻穹窿

欵火律令鄱元帥飛衝於穹窿虛空之表
鞭擊妖魅驅蛇蟲

旱魃旱妖乃為旱之鬼魅異蛇怪蟲乃倦

晦之隱龍

勾婁吉利炎赫蹀

勾婁吉利之言在雷府乃火龍之字言火
龍有炎炎赫赫之蹀

事見方丈王侍宸紫微雷書

登僧澤願悉聽從

登僧澤願之言在雷府乃火車之字言火
陣元帥聽從五雷之號令也

事見方丈王侍宸雷書

織女四哥心公忠

事四

織女四哥之言在雷府乃霹靂大仙其心

九

公忠爲民祈雨

輔我救旱助勛隆

雷神風神雨神電神助吾救旱按法書云
救旱一次以其陰功陞轉一階准活一百

二十人大旱過兩旬者遷三階

赤鷄紫鷲飛無窮

唐天師葉法善雷書中有赤鷄紫鷲之符
投於東南水甕中誦木郎呪可致風雨

事見方丈法書

攝虜縛崇送北鄆

攝虜龍縛旱崇送於北陰天獄以考其尤
旱之咎

勅紫虛元君降攝急急如火鈴大帥律令

紫虛元君廻玉樞使君火鈴大帥乃闕伯

神君也

修真十書武夷集卷之四十六

修真十書武夷集卷之四十七

卷五

海 南 白 玉 蟾 著

法曹陳過謝恩奏事朱章

上清大洞寶籙弟子五雷三司判官知北極
驅邪院事臣白玉蟾稽首再拜

上言臣聞太極仙翁有言曰學法之士如赤
體撈白刃耳臣觀此言莫不戰慄虛靜先生
張繼先有言曰人生百年一彈指閉眼風刀
即立至臣觀此言愈增驚悸臣末學庸葷濫
居道間措心立教朝夕駭憂自愧踈愚戒德

違缺四方學者來如牛毛設若普接而授之
以道德又恐泄露天機苟若不紬而警之以
戒條則是障拒後學或若擇善拔尤而間度
一二復慮庸者隙進鄙者薄來臣夙荷師恩
叨傳法奧寶佩心印未嘗輕慢仰遵科戒如
履薄冰晦迹遁名莫敢彰露臣童髻何知自
護毛羽仰惟三寶洞察愚衷豈容飾辭委實
真禱以今吉辰伏地貢章一通上詣三天曹
謹據太上三五都功正一盟威弟子施某等
昨各已錄心詞上奏天庭乞行傳度已爲勝

申都省依科給帖充授法職尋即擇日建壇
剖符破券撥將統兵分司隸事然後以藻殿
琅書心傳口訣茲則同發誠心謹取今月某
日虔就武夷山昇真玄化洞天修設三界高
真謝恩清醮幾分延奉上真仰酬玄造更祈
景貺及臣等身臣愚輒以已見爲陛下陳之
夫法士有大不易者七有深可畏者六何哉
謂如世俗澆漓風教隳墜迷迷相指以盲指
盲此則遇真師之難所以爲大不易者一也
文書謬誤訣法乖舛罅中落步呪中漏句此

則得真法之難所以爲大不易者二也科戒
嚴明條律警肅難行易犯迷真者多此則奉
真戒之難所以爲大不易者三也盆火焚和
淫風鼓善正氣斷喪元精凋敗此則全真氣
之難所以爲大不易者四也上真威儀神將
服色方寸難思一念不純此則存真想之難
所以爲大不易者五也天神地祇正直威儀
監功建節糾察絲毫此則辨真心之難所以
爲大不易者六也朝昏告急寒暑請行不敢
苟財愈當戮力此則立真功之難所以爲大

不易者七也所傳法書符圖印訣妄示非人
必招風雷地獄鋒戟裂體之報此乃深可畏
一也所稟戒律非時外色輒有侵犯必招灰
池地獄火焰烙體之報此乃深可畏二也欽
奉三寶朝謁靈真不知避忌必招火網地獄
風刀考身之報此乃深可畏三也神將香火
朝夕不虞號召失節必招寒冰地獄黃繩束
頸之報此乃深可畏四也用心輕重處事高
低或勤或惰必招鐵丸地獄犁牛耕舌之報
此乃深可畏五也行法既顯必有襯賄多致

貪婪必招黑暗地獄萬苦逼身之報此乃深
可畏六也以此七之大不易六之深可畏言
之使臣竦肩縮頸心痛鼻酸臣一介昏庸仰
賴

太上慈悲許容臣等披肝瀝膽雪罪首愆苟

有愆尤俱蒙赦釋臣所奏前件受法弟子幾

名伏望

聖慈特賜勅旨允臣所奏付太玄都省檢照
前後所申即行通報諸司合屬去處仍乞指
揮差撥法中合干將帥部領兵馬統轄吏典

應時降赴法官姓某等各人法壇香火衙治
之所駐劄防禦聽候呼召兵隨印轉將遂符
行凡遇行持遂依法令發遣符命祈禱驅攘
大闡靈通明彰報應名標玉籍職領金班膺
掌握將兵之權洩糾察鬼神之政代天行化
爲國救民斬妖除魔芟邪立正得蒙允可且
喜且驚勉勵身心私自積累三千功滿八百
行圓別詣仙都各期遷選九玄七祖同獲善
功六道三塗普沾善果臣愚謹因二官直事
正一功曹左右官使者陰陽神決吏罡風騎

置吏驛馬上章吏飛龍騎吏等官各二人出
操巨所為施某等進拜法壇傳度首過謝恩
奏事朱章一通上詣三天曹請進太上虛无
丈人宮太清曹治紫靈宮伏願告報巨誠惶
誠恐頓首稽首再拜以聞

太清玄元太上无極大道太上道君虛无丈
人太上老君太上丈人天帝君天帝丈人九
老仙都君九炁丈人百千萬億重道炁千二
百官君太清玉陛下巨姓白係金闕選仙舉
進士見在冲佑觀東南隅醮壇所伏地聽命

獻謝朱表

上清大洞寶籙弟子五雷三司判官知北極
驅邪院事臣白某

右某言伏以紫鸞嘯月青皇垂羽葆於樞宮
白鶴呼雲赤帝降霓旌於機舍奉

表五

四

金闕絲綸之詔下瑤臺契券之符與黔庶以
救愆為羣黎而弭禍辦棗柏松之筐腴仰
楓槐柳杏之星壇建破甲庚推側魁罡之象
坎離子午步占晦朔之躔以心詞上瀆於龍

顏願

○

○

聖意下觀於蟻牘恭惟

北極紫微中天太皇大帝 陛下道婉元始德
契昊天煙殿垂衣霜臺降輦陽明大聖統廉
貞武曲以贊襄陰精明君協文曲祿存而毗
輔洞明掌威福之柄隱元隸生殺之權破軍
居水位之尊北極領星河之政有禍皆攘而
有罪皆懺無病不治而無邪不摧 臣以大宋
國福建路建寧府崇安縣武夷山冲佑觀管
轄道士施某叨屬人倫幸沾聖化凡胎肉質
火宅塵勞六根招貪愛之愆三業致昏迷之

謹八卦有方隅之干犯五行慮運度之變更
三官追魂四府隸咎逆遭頻併疾厄綿延發
露愚衷僭干天聽瓊輝俯燭壁耀分輝擎羊
神王驅命位身宮之厄陀羅使者殄年連月
蹇之憂北斗六十曹官電掣七傷八難南陵
第五
七千神將雷轟九橫三災斗中天罡斬妖邪
而息禍躔外太乙消兇毒以潛蹤天關飛晨
丹元合景玄冥除瘟疫之孽瑤光滅水火之
災却神煞土氣之侵凌糾司命竈君之注射
鄴都削籍嶽府除名官符病符口舌符頰煞

殞滅報障業障煩惱障自此驅除法療功曹
錫梵府六晨之藥天醫使者降仙都九轉之
丹五炁周流六脉安靜三宮升降七液冲融
榮衛寧和經絡爽暢勾陳隱景華蓋藏形酌
水獻花不勝虔切踴天踏地願賜厯洪謹爾
數陳早希昭報臣謹具表奏以聞臣誠惶誠
恐頓首稽首謹奏謹白

太歲丙子嘉定九年正月日上清大洞寶
錄弟子五雷三司判官知北極驅邪院事

臣白某表奏臣姓白係金闕玉皇選仙舉

進士見在醮壇所伏地聽命

表奏法壇傳度首過謝恩朱章

秦玄都正一平炁係天師清微天化炁南嶽
先生赤帝真人神霄玉府五雷副使上清大
洞經錄弟子臣某稽首再拜

上言

臣

竊謂陳章奏牘所以開懺謝之門也

飛神御氣所以入朝謁之路也傳真度妙所
以襲正一之風也陞秩登班所以按薦舉之
法也承流宣化所以闡驅攘之教也芟邪立
正所以崇清淨之道也臣得以言之方寸未

澄徹者豈知道之清淨訣法未靈驗者豈知
教之驅攘言行未純粹者豈知法之薦舉真
偽未辨明者豈知風之正一形神未洞融者
豈知路之朝謁迷愚未警悟者豈知門之懺
謝故茲不易之理也臣乃知之悛心首過然

卷五

六

後可以陳章奏牘凝心聚神然後可以飛神
御氣鞭心學道然後可以傳真度妙正心誠
意然後可以陞秩登班盡心利物然後可以
承流宣化洗心潔已然後可以芟邪立正
陛下以為然耶否耶臣之所以陳章奏牘者

越超乎太虛寥冥之間若是而飛神御氣者亦無他故蓋於五濁惡世之中爲

陛下擇賢選德僅有一人焉必欲因是而傳真度妙使之陞秩登班承流宣化芟邪立正設有片善寸長足以少裨天政雖臣之功也

皆

陛下之事也如是而顯揚道法如是而表率世俗昭然於人天耳目之間則三界萬靈豈勝幸甚臣以今吉辰伏地貢章一通上詣三天曹伏爲九紫離宮斗牛分野大宋國施某

詞稱命係某生上屬某星係天師某治某炁
言被中元三炁君召即日謹齋香信叩頭詣
道自陳竊念某叨居盛世獲造玄邦濫綴簪
裳幸傳教法雖勤講究未悟靈真忝遇師緣
輒紬臆悃虔誠俯地發露盟天願傳天上九
靈飛步章奏大法某五一階騰神飛章朝謁關奏
復自稽顙興嗟希有難遇併傳
太上紫樞玉晨洞陽飛梵鍊度大法一階攝
召幽靈行持鍊度拜章既爾鍊度復然苟有
驅攘以何感應仍受

太上五雷大法一階禱雨祈晴呼風召雪封
山破洞伐廟除邪斬馘蛟龍制伏狼虎驅除
旱魃掃蕩蝗螟療病禳災賞善罰惡盡肘步
膝行之切願心傳口授之真臣按如詞言不
容杜隱昨爲騰申都省已嘗飛奏

天庭幸玉籍以標名必金班而註秩擇日建
壇而度法依科撥將以交兵歃血飲丹剖環
析券尚慮告盟之際及當傳授之間揣已何
堪捫心有愧或萬一褻真而獲譴故再三對
帝以陳情念蠢爾之愚庀賴惠然而貸宥臣

以某七生罪愆三世愆尤願開無垢之門使
有自新之路尋真義妙法學到於希夷鍊靜
凝虛心自然於清淨願領尸化民而晁勉願
登仙度世以逍遙七祖先亡咸希超度諸司
將吏併乞榮遷三界蒙恩萬靈獲福苟非

太上大闡慈悲豈許小臣輒申悃愾臣愚謹
因二官直事正一功曹左右官使者陰陽神
決吏罡風騎置吏驛馬上章吏飛龍騎吏等
官各二人出操臣所為施某進拜法壇傳度
首過謝恩朱章一通上詣三天曹請進

太上虛无丈人宮太清曹治紫雲宮伏願告
報臣誠惶誠恐頓首再拜以聞

太清玄元太上无極大道君虛无丈人太上
老君太上丈人天帝君天帝丈人九老仙都
君九炁丈人百千萬億重道炁千二百官君

某五

太清玉陛下

太歲 年 月 日具位臣白某表奏

臣姓白係金關玉皇選仙舉進士見在冲

佑觀聽命

雷府奏事議勲丹章

泰玄都正一平炁係天師清微天化炁天嶽
先生赤帝真人上清大洞寶籙弟子臣白某
稽首再拜

上言臣乃神霄典雷小吏也粗諳雷霆所典
之事忝佩雷霆所授之書飽識雷霆所行之
法然於其間紀述或訛傳授或泛是以繁中
指迷謬中訂正玄處得訣妙處得呪難知而
易行難傳而易學臣所學臻此悉爲

陛下言之臣聞陰陽二炁結而成雷既有雷
霆遂分部隸九天雷祖因之以剖析五屬神

霄真王用之以宰御三界質之於金笈考之

於玉籙謂如五雷者嘗有疑焉玉樞之雷書

曰一乃天雷也二乃神霄雷也三乃水官雷

也四乃龍雷也五乃社雷也神霄之雷書曰

一乃風雷也二乃火雷也三乃山雷也四乃

水雷也五乃土雷也第五大洞之雷書曰一乃聖

充威靈震動雷也二乃震電哮吼霹靂雷也

三乃八靈八猖邵陽雷也四乃波捲水雷也

五乃正直霹靂閃電大洞雷也仙都之雷書

曰一乃天雷也二乃地雷也三乃風雷也四

○

乃山雷也五乃水雷也北極之雷書曰一乃龍雷也二乃地雷也三乃神雷也四乃社雷也五乃妖雷也太乙之雷書曰一乃東方青氣木雷也二乃南方赤氣火雷也三乃西方白氣金雷也四乃北方黑氣水雷也五乃中央黃氣土雷也紫府之雷書曰一乃春雷也二乃夏雷也三乃秋雷也四乃冬雷也五乃軒轅雷也玉晨之雷書曰一乃紫微雷也二乃鄧都雷也三乃扶桑雷也四乃嶽府雷也五乃城隍雷也太霄之雷書曰一乃甲乙雷

也二乃丙丁雷也三乃戊己雷也四乃庚辛

雷也五乃壬癸雷也太極之雷書曰一乃神

霄雷也二乃地府雷也三乃水官雷也四乃

九州雷也五乃里域社廟雷也太上所傳雷

書若夫前件十本所載各有異同古之五雷

未審以何為正者也世傳三十六雷猶可疑

也抑又可議也一曰玉樞雷二曰玉府雷三

曰天卜玉柱雷四曰上清大洞雷五曰火輪

雷六曰灌斗雷七曰風火雷八曰飛捷雷九

曰北極雷十曰紫微璿樞雷十一曰神霄雷

○

十二曰仙都雷十三曰太乙轟天雷十四曰
紫府雷十五曰鐵甲雷十六曰邵陽雷十七
曰欵火雷十八曰社令蠻雷十九曰地祇火
鷄雷二十曰三界雷二十一曰斬壙雷二十
二曰大威德雷二十三曰六波雷二十四曰
青草雷二十五曰八卦雷二十六曰混元鷹
犬雷二十七曰嘯命風霆雷二十八曰火雲
雷二十九曰禹步大統攝雷三十曰太極雷
三十一曰劍尖雷三十二曰內鑑雷三十三
曰外鑑雷三十四曰神府天樞雷三十五曰

大梵斗樞雷三十六曰五晨雷此而謂之三
十六雷是耶非耶所謂五雷則雷法何其多
耶抑神仙至人役使異妙耶抑經籙文書紀
錄不一耶謂如天洞天真之神畢火畢真之
神天鳥天鎮之神威猛丁辛之神冰輪水鉢
之神流光火輪之神滴昔喝伽之神太乙元
皇之神咬網雀舌之神天雷風領之神火猪
黑犬之神火鷹腥煙之神天關霹靂之神鐵
甲飛電之神仙都火雷之神山雷火雲之神
風火元明之神火伯風霆之神勾婁吉利之

神織女四歌之神玉雷浩師之神洞陽幽靈
之神四明公賓之神火光流精之神虛乘太
華之神金精清思之神蒼牙鐵面之神散煙
靈黑之神雷主闕伯之神木狼奎光之神欽
火律今之神邵陽火車之神狼牙猛吏之神
卷五
六波捲水之神飛鷹走犬之神流金火鈴之
神此之三十六神或曰三十六雷不容無疑
焉今而摭之於丹霄景書則箕星所以掌天
雷也房星所以掌地雷也奎星所以掌水雷
也鬼星所以掌神雷也婁星所以掌妖雷也

天雷屬箕星故有天鳥天鎮天洞天真之神
地雷屬房星故有雷主閔伯火伯風霆之神
水雷屬奎星故有木狼洞陽金精浩師之神
神雷屬鬼星故有欽火律令邵陽狼牙之神
妖雷屬婁星故有丁辛滴昔喝婁伽夜之神
故臣獨以此為正也古今所傳雷法凡數階
矣其彰靈著驗赫赫然於天下後世夫雷霆
不可掩之物人誰不知其有雷也雷霆者所
以彰天威所以發道用天威無所彰則幽明
異致孰為之禍福也道用無所發則陰陽二

氣孰爲之生殺也陰陽二氣而發道用所可
以彰天威以幽明異致而彰天威則可以發
道用是故嘏不晦賞也膏不匿罰也若夫嘏
祠列社皆祭祀也靈壇古跡皆鬼神也其間
必有慈孽也富室賤隸皆享受也端人詭士
皆流輦也其間必有善惡也鬼神有罪則流
輦何以訴之流輦有蒙則鬼神何以鳴之於
戲皇天所以建雷城設雷獄立雷官分雷治
布雷化示雷刑役雷神統雷兵施雷威運雷
器是皆幹賞罰之柄宰生殺之權以之於陰

界可以封山破洞斬妖馘毒以之於陽道可
以除兇誅逆伐奸戮虐宜乎發道用也彰天
威也此陰陽二氣得其施設也幽明異致得
其影響也天地之內萬物峙立未有不稟陰
陽而生生者也所以有形有想者爲人無形

卷五

十二

有想者爲鬼人處於陽鬼處於陰以是而出
入四生循環六道苟非天有雷霆則何以示
刑憲而訂頑砭愚者乎念臣夙生慶幸叨蓬
雷班誓願行持未嘗少懈以今吉辰伏地貢
章一通上詣三天曹謹遣臣法中風火元明

君火伯風霆君雷主關伯神君火鈴霹靂天
仙蒼牙鐵面大仙龍雷捲水神君風火龍騎
震天沸海神君霹靂火光銀牙耀目神君歛
火律令大神雷公火車元帥三五鐵面火車
大將軍三五邵陽主帥將軍霹靂火車腥煙
使者四聖聽察迴車使者浮雲降雹力士橫
身飛雲使者移山翻海鐵甲使者洞風鼓震
天威赤文使者風雷金鈴火鈴使者五雷飛
捷使者雷陣左右使者散雲送火禁炎使者
西臺雷雨吏負天檐石太微今威劔震靈吏

四季風雨令玉光金精上吏吞魔啖妖天甲
神吏丹元刑部都吏擒龍捉孽撼山神君吹
海颺波靈華猛吏飛雲走電神吏太歲將軍
掌疫癘使者五方雷公將軍天雷晃光將軍
水雷電光六龍將軍玉樞殿下左右二神將

卷五

十三

比極殿下左右二神將蓬萊雷霆司左右二
神將三十六雷鼓力士嘯命風雷大將五雷
諸司將帥五雷諸司吏兵五方蠻雷使者隨
章同詣都宮閱量勦烈磨勸功勤註者為升
授者為轉差者為除選者為擢約以今年十

二月辛亥日遣令五雷官吏將兵預赴元應
太皇府錄功紀績併於丙子年正月初一日
天贖之晨徑上

玉清朝謁乞於三月初七日得預天曹舉選
賞會至於正月初一日甲子之晨太乙簡閱

神祇之旦使五雷將吏各獲一功聽候正月
十五日上元天府官賜福之晨悉赴

北極紫微璿樞宮例出一職各轉一資臣當

願九玄七祖同獲昇遷三界鬼神咸沾福利
然後願臣祈晴禱雨召雪興雲攝電呼雷驅

風降電封山破洞伐廟除魔誅斬蛟龍制伏
狼虎驅穰水火遣逐旱蝗為民穰災驅邪治
病行遣符命顯現報應臣伏望

陛下降注紫靈玄一之炁流入臣身中三焦
五臟之內灌溢三元九宮之中令臣心廣體

胖神清氣爽學道得道求仙得仙臣愚謹因

二官直使正一功曹左右官使者陰陽神訣
吏科車赤符吏罡風騎置吏驛馬上章吏飛
龍騎吏等官各二人出為臣操今辰所上雷
府奏事議勲丹章一過謹上詣三天曹請進

太上虛无丈人宮都候曹治太白金宮伏願告
報臣誠惶誠恐稽首再拜以聞

太清玄元太上无極大道太上道君虛无丈
人太上老君太上丈人天帝君天帝丈人九
老仙都君九炁丈人百千萬億重道炁千二

卷五

十四

百官君太清玉陛下

維皇宋太歲乙亥嘉定八年冬十有二月
二十七日辛亥吉時於武夷山冲佑觀之
西南隅再拜上臣姓白係金闕選士見在
拜章所聽命

修真十書武夷集卷之四十七

修真十書武夷集卷之四十八

卷六

海 南 白 玉 蟾 著

先生曲肱詩

昔在青華第一宮，祗緣醉後怒騎龍。
傾翻半滴金瓶水，不覺人間雨發洪。

玉皇有勅問神霄，誰去騎龍亂作妖。
自別雷城一迴首，人間天上已相遼。

謫居塵世意徘徊，鍊盡金丹待鶴來。
歸去神霄朝玉帝，依前命我掌風雷。

五雷深鎖玉清宮，白鶴呼風唳碧空。
說著道。

般辛苦處三千玉女蹙眉峯

太一天皇謁紫清翠娥百萬擁雲輶當時不
合擡頭看忽見天丁叱火鈴

我不生嗔怨玉皇翠娥無復舞霓裳如何天
上神仙女染汚清都一散郎

某六

夢斷南柯覺昨非因緣盡處兩分飛寒松空
鎖翠娥夢我獨于今未得歸

玉府官僚無甚人上皇憐我最辛勤忽然詔
下催歸去猿叫萬山空白雲

瑤池王母宴羣仙兩部笙歌簇綺筵誤取一

杖仙李喫又來人世不知年

我到人間未百年恰如頃刻在三天向來我
本雷霆吏今更休疑作甚仙

往昔逍遙在太華朝餐玉乳看瓊花當年身
著六銖服不識人間有苧麻

做到天仙地位時三遭天譴落天墀却嫌天
上多官府且就人間洞府嬉

白雲隨我見天台又趁金華路上迴樓鳳亭
中留不去武夷山下野猿哀

○說與清風明月知揚州有鶴未能騎夜來五
○

鳳樓前看天上白雲空自飛

跣足蓬頭破衲衣
悶來飲酒醉吟詩
塵中走遍無人識
我是東華大帝兒

這回空過二十年
肉重不能飛上天
抖擻衲

頭還自笑囊中也没一文錢

卷六

二

我有隨身一顆珠
見時似有覓時無
金雞叫罷無人見
月射寒光滿太虛

不識看經不坐禪
飢來喫飯困來眠
玉皇若不開青眼
却是凡夫骨未仙

不把雙眸看俗人
五湖四海一空身
洞天深

處無人到溪上桃花幾度春
桑田變海海成田這話教人信也難只有一
般輸我處君王未有此清閑

題樓鳳亭

亭前綠密玉成叢鳳宿枝頭煙雨空簫管一
聲人未寢滿林明月浸清風
聲傳琴瑟風生枕影瀉琅玕月滿庭白鳳飛
來枝外宿夜深點破一林青
竹也多年管風月鳳兮幾夜宿雲煙林間有
客吹簫去竹化成龍鳳入天

潘氏亭前飲一宵酒酣對竹嘯瓊簫不知樓
鳳來多少鳳去人歸竹寂寥

清勝軒夜話

殘燈結花滿堂紅酒興未已詩興濃寒雲盡
星鎖翠空一林幽竹夜呼風逸士倚樓嘯玉

第六

三

龍蟬聲泣露落梧桐把手論文開心曾黑甜
相催話未終香篆飛蛇穿簾櫳鄰雞喚曉何
處鐘摩挲醉眼攔干東茶鐺無火召玉童三
子芒鞋七尺筇踏破青山綠幾重

夜宴清勝軒吟呈倪梅憲吳道士隱

南

山前浩歌覺聲乾長嘯直入碧雲關梅窓主人
携百壺一夜談話秋雨寒燈紅吐出玉虫
巧道人大嘯拍床吼連榻隱南吳庚契要看
紙上生蛇走停盃撐眼發詩顛橫捉一筆半
欲眠笑把崑崙蘸滄海寫出新詞數萬篇

題清勝軒壁

奇花兩朵香一爐片心無事便清虛壁頭有
琴床有劒浩歌梵曲聲虛徐物外志趣本不
俗山軒清勝萬事足自勸之酒三兩盃無爭

之基三兩局

再題清勝軒

滿林幽竹夜來風南極一點飛寒空玉爐異
香遠琳宮此間知有神仙翁清勝軒中頗幽
絕白鬚道士持檀笏眉毛掀起溪上雲眼光
爍破峯頭月瓊房壁上掛瑤琴把劍舞罷千
古心蓬萊一別醉吹笛今日一見歌長吟天
祇呵道綠煙起滿前王趙皆珠履倦虬縮尾
青蛇死彈指傾倒天河水砂篆一揮走神鬼
雷電霹靂動天地信知妙用古所無猶未收

拾歸天衢月冷風清白鶴唳寶旛飛霞遶玉
壺武夷散人好詩酒昔者見君今番無

題清虛堂

月移花影來窻外風引松聲到枕邊長劍舞
餘烹茗試新詩吟就抱琴眠酒醅初潑青螺
隨香篆常燒紫馬鞭九曲溪頭冲佑觀清虛
堂裏有神仙

卷六

初見懶翁詩

一掬精神迥出塵懶翁自是不凡人淵明松
菊逕猶綠靈運池塘草正春已把芝田栽拘
○

杞不將苔砌輾蒲輪家傳衣鉢歸龍鳳自指
冰壺嗣穎濱

賦詩二首呈懶翁

驚秋鏡裏鬢邊星到處溪山皆洞庭怒雨打
蓮歌沼綠顛風掣竹過牆青趁船紫燕啼芹
渚縮頸白鷗眠蓼汀荷笠欲尋懶翁去帶些
爽氣入踈極

懶翁老白結忘年秋入淡煙踈雨天醉把黑
甜圓箇夢時將草聖放些顛杖藜還盡溪山
債盃酌結交風月緣梭督青童馳訥斬鱗煩

柴吏饋雄篇金華都似一樸大却貯兩枚詩
酒仙

六言六首呈懶翁

倦子冷居姑射居士高臥毗耶鈍置詩盟酒
約只自焚香喫茶

卷六

酒惡頻將花嗅睡酣便把茶澆秋到梧桐枝
上夜來風雨瀟瀟

金醴青如竹葉玉娥白似蓮花聞君微恙脫
體杖藜欲訪君家

蓮葉嫌風狼藉稻苗得雨精神翻憶武夷九

曲去秋艤棹溪濱

醉時枕上化蝶睡起筆下生蛇日長心下無
事飢來只是餐霞

秋雨織愁成段暮雲過眼生花棲鳳亭中寂
寞武夷舊有仙家

暮抵懶翁齋醉吟

旋開白酒買蓮房滿瀉桐膏炤玉缸月女冷
窺青斗帳風神輕撼碧紗窻公疑我是今皇
甫我恐公爲昔老龐醉後唾珠粘紙面笑將
筆力與人扛

白蓮詩

淵明歸西天不作東林社不見張昌宗無人
舉此話誰家栽綠荷薰風漾碧波底水晶
空化出玉姮娥嫣然冷無語冰肌臥曉雨東
君如夏日此花不受暑一點天然香隨風入
畫堂折之置坐隅窈窕弄玉郎忽然心緒變
如覩佳人面寄語明月樓莫貯雙飛燕

鍊丹不成

八兩日月精半斤雲霧屑輕似一鴻毛重如
千秤鐵白如天上雪紅如猩猩血收入玉葫

蘆[○]秘之不敢泄夜半忽風雷煙氣滿寥泝這
般情與味啞子咬破舌捧腹付一笑無使心
腦熱要整釣魚竿再斫秋筍節

某

修真十書武夷集卷之四十八

六

修真十書武夷集卷之四十九同卷 菜七

海 南 白 玉 蟾 著

贈王太尉

笑曳華裾出禁廷，一聲長嘯萬山青。
歸來車馬如雲擁，掃去蒼星似夢醒。
紅碼碯，盃斟白酒碧珊瑚。
枕倚朱屏也須趁，取些強學作箇唐人五達靈。

復盧艮庵韻

擬占朝班最上頭，官清冷似一天秋。
風花雪月千金子，水竹雲山萬戶侯。
海客盟鷗終不

動寒翁失馬更何求明窓淨几華胥外蝴蝶
翩翩自夢周

題張知丞脩然軒

不著人間一點塵脩然一室貯幽人清宵甕
下酒中聖白晝筆頭詩泣神芳草惜鋤憐綠
淨落花慵掃愛紅勻碁聲隔斷華胥路自把
博山燒暮春

和葉宰韻題震无咎齋

蝸角蠅頭既可憎如何又問利和名學他太
古先天妙合取中庸一點誠乾坤所謂日月

祖坎離乃是天地精工夫學到震无咎隻字
拔茅乘泰亨

立秋有懷陳上舍

沒巴沒鼻落一葉發顛發狂何處風九十日
暑掃地去滿懷汗珠尋已空却煩察判潘孺
子說與上舍陳友龍來宵無雨必好月一樽
還要與君同

夢中得五十六字

醉醒曳杖訪松關正在黃昏杳靄間既去復
來秋後暑似無還有雨中山澗邊幾葉晚花

落天際一鈎明月彎
自覺餘煙埋屐齒
行行印破蘚痕斑

胡中隱庵中傷春

盡把天工付祝融
東皇歸去太華宮
稜稜山色聳蒼玉
湛湛波光浸碧銅
楊柳入天鳩要
雨海棠落地蝶嫌風好將杖履西園看萬紫
千紅一夜空

寓息庵送春

筆下自然詩料飽
天工釘出好山溪
魚知水暖不勝躍
鶯見花飛只管啼
樹頭鳩使婦喚

雨屋後竹教孫出泥太白十五人醅醪碧桃
洞口日銜西

胡子羸庵中偶題

道人慣喫胡麻飯來到人間今幾年白玉樓
前空夜月紫金殿上起春煙閑傾一盞中黃
酒悶掃千章內景篇昨夜鍾離傳好語教吾
且作地行仙

贈天台老樊

別後俄驚幾許春相逢一笑挹南薰灰頭土
面無人識不食草衣嫌俗紛在浙之台今已

久姓樊名邴寂無聞爲君傳此新詩去寄與
鉛山趙翠雲

贈吳草裘

聞道青城有老吳
話頭入耳十年餘
偶同姦女無憂客
來到天台撞見渠
身上衣衫惟素布
口中談吐盡丹書
想君已是千餘歲
誰道神仙世上無

寄蘇侍郎

往古來今如換肩
我疑公便是坡仙
滿城都沒箇伯樂
一日可能無樂天
方且論文俄判

袂不知握手。又何年。忽然鐵笛一聲響響到
金華古洞邊。

天開畫樓圖

層簷疊嶽入蒼冥。千山萬山相送迎。晴雲已
抹收未了。溪尾更灌餘霞。明化工朝暮費點
染。丹青變態墮深淺。凭欄展空千里眼。却愁
此軸難舒卷。

贈危法師

曾見先生在九華。朝餐玉乳著瓊花。鹿冠夜
戴青城月。鶴氅晨披紫府霞。偶携劔在人間。

世未把琴歸仙子家一笑相逢松竹裏炷香
新話啜盃茶

遊揚梓巖

天半秋風鳴萬松
芫花半落日陽紅
寮煙暗鎖仙壇古
野草深藏丹竈空
人採紫芝何處
覓我來白晝不相逢
一聲簫管笑揚袂
秋色滿懷詩興濃

燕巖遊罷與巖主話別

西風吹作此巖遊
滿目松筠翠欲流
玉燕不飛明月夜
石鍾一振曉霜秋
惜乎分手便南

比忽爾回頭欲去留且去人間辦丹料却來
山頂結茅休

題舒氏難老亭

別是人間一洞天椿松鬱鬱起祥煙德同桂
種不知歲福與水流無盡年萱草堂前千古
事蓮花池上兩神仙卷七萊衣戲綵人無恙結盡

溪山風月緣

三十三天第一天玉皇殿下裊輕煙不知劫
數今何代方是延康第二年弱水無船歸似
箭華胥有夢且遊仙卷七筇筇難老亭前坐且結

焚香瀹茗綠

贈琴客陸元章

手持一枚寒水晶十指擊處如玉鳴曲彈白
雪陽春調調有高山流水聲松梢鶴唳恰夜
半寒煙寂寂風泠泠紙衾瓦枕冷如水展轉
無夢睡不成起來搔首撫一闌吟罷滿山秋
月明

題樓仙館

好松好竹好溪山車馬駢闐自往還行客聞
蜀新酒白入門踏破嫩苔斑我言物外清幽

地却似廬中蘭闌間穀粟桑麻空澗屋主人
陪接不曾閑

雨中題棧館

風攬長空秋雨懸路如苔滑懶搖鞭入門指
僕買杯酒磨墨倚窓吟一篇黃竹遠簷黃蟻
戰白蘆映水白鷗眠一聲長嘯便歸去回首

孤村空暮煙

仙巖金仙閣

寒煙鎖斷梵王家一篆博山飛冷蛇滿天秋
雨落瓊花清溪漲綠浸平沙老松墜石巖爭

登青蘿拽樹牽雲遮竹根倒出烏翅斜夜半
寒風攬宿鷗木魚喚粥蝴蝶醒巖頭殘月沉
丹井

慵庵

絳闕清都舊姓名此生落魄任天真橫窓古
硯前朝水掛壁閑琴幾日塵幽草莫鋤沿石
靜落花不掃襯苔勻倩風來作關門僕借月
權爲伴酒人書史無言古滋味關山不動畫
精神有茶不作蝸牛戰無夢可爲蝴蝶身一
得自家慵底事幽禽簷外一般春

怡齋

逸士幽居松竹林
小堂偃枕北山陰
夜深冷月寒蓬戶
曉起清風爽楮衾
把劍更餐盃面酒
收書破動壁頭琴
自從一見羲皇面
千古誰知養浩心

天谷庵

半天突出一奇峯
小小茅庵滋味濃
交道新松招夜月
滿林幽竹喚秋風
迎人野鳥間關語
惱客巖花爛熳紅
策杖且隨流水去
柴門時借白雲封

降真室

瓊鍾發響綠旒飛
窗外青鳥半夜啼
松竹無言爭地靜
良辰可摘覺天低
黃雲屋角騰金輦
素月簷頭放玉梯
稽首紫皇初宴罷
步虛聲斷乞刀圭

贈慵齋盧副官

菜七

山色凝雲翠幾重
鳥聲驚落夕陽紅
要携琴去彈秋月
且撥棊來著晚風
一度醉眠知事少
數番吟暢覺心空
慵庵不與人相與
關上柴門滋味濃

盧叔裕清貧軒

一味逍遙不管天日高丈五尚閑眠溪魚村
酒別般味野蕨山穀不用錢甕牖葦門關小
運乾柴白米煮清泉有時拄杖青松畔便是
人間快活仙

劣隱

世態炎涼覺鼻酸洞門空掩綠煙寒仗三尺
劔臨風舞把一張琴對月彈斫竹數竿容水
過倚松半日執經看山林心緒得閑處好鍊
長生不死丹

修真十書武夷集卷之四十九

修真十書武夷集卷之五十

海 南 白 玉 蟾 著

思微堂

訪靈寶觀諫思微堂靈寶中
盟蘇有思微先志券因以命

名取為
之吟曰

思微堂裏自冲虛高士閑居興味殊月冷花
開數朵靜風清鳥過一聲孤誰知心上工夫
妙欲覓人間俗累無九轉內丹成也未快騎
白鶴去天衢

題上清法堂壁

秋雨懸天風作寒冷煙鎖住屋頭山半巖飛

鳥一聲過峭壁斷雲千古閑世俗不知幽靜
處神仙隱在有無間夜來小艇篙脫手醉把
霜筇入翠灣

太虛堂

滿堂冷靜爽精神不著人間一點塵簷鵲噪
風呼薄晚庭花飄露落殘春華胥上國今無
夢龍漢元年古有身香篆飛從窗外去雲梢
孤鶴唳何人

三華院還丹詩

絳宮無事絕塵埃坎虎離龍戰幾回白雪飛

空鉛藥綻黃雲覆鼎汞花開龜蛇抱一成丹
藥烏兔凝真結聖胎夜半瀛洲寒月落冷風
吹鶴上蓬萊

送江子恭 三首

我欲揚村結草廬不知蹤跡又江湖回觀咫
尺如天遠自別丰標僅月餘忽一二時思故
舊整千百里望音書憶君不忍忘懷處一片
青雲點太虛

春來行盡爛田畦雲滿春空水滿溪風漾碧
波翻麥壠日晴紅雨落桃蹊杜鵑聲斷鷺寒

兔蝴蝶夢殘聽曉雞人在江東寄歸信海棠
花謝燕銜泥

子到鉛山我信州筍輿軋軋又歸休數程細
雨斜風路一片落花啼鳥愁何必便為阮籍
哭不來相伴赤松遊他年我到蓬萊去一粒
金丹汝去不

送張大師

自從汝離武夷來險阻艱難歷幾回江左旅
中連值雨春深路上滑成苔鳥啼花片落流
水風慘猿聲嘯古臺舉眼四山如壁立教君

歸去也心灰

贈杜省元

海外三山一洞天金樓玉室有神仙南柯國
裏柯巖叟白馬江邊馬自然鯨脯味甘供老
廣黃麻飯熟飼彭錢金丹鍊就爐無火桃再
開花經幾年

淡庵倪清父

地僻人閑春晝長了然物我兩相忘薄披明
月歸詩肆細切清風入醉鄉蠟味溪山闕裏
嚼齏羹松竹靜中嘗把琴彈破世間事淨几

明窓一炷香

倪敬父柯山

暮雲橫翠夕陽斜
啼罷歌樓林外鷓鴣竹弄
搖風裏影碧桃開
遍雨中花三盃淡酒邀明
月一局殘碁驚落霞
人在柯山山上詠笑揮
管筆走生蛇

酬蔣知觀所惠詩

新鴈飛來一朵雲
讀之毛骨聳寒鱗
展開大白幾鈎墨
存想先生滿面春
榻上賓朋談盛德
山中冠褐混凡身
來朝盥手炷香去
恐是

蓬萊相識人

讚鐘

聞道琳宮欲範鍾上皇勅賜萬斤銅一模脫
出等閑事千古要知陶鑄功敲得星飛鷲落
月撞教雲破響呼風子今欲為吾皇壽笑指
瓊樓貼碧空

靖通庵

靖通庵外鎖晴雲壁瑩飛瓊瓦疊鱗野鳥無
心一聲曉巖花有意四時春鑿開風月長生
地占斷煙霞不老身虛靖當年仙去後不知

丹訣付何人

澹庵

平生只要樂清虛占斷人間靜處居古壁空
懸三尺劍幽窓閑却一床書遠山喜色日初
染枯木涼聲風自梳細嚼清閑滋味別雲霞
收拾作糧儲

假山

一林幽竹幾時栽怪石花磚砌綠苔羽客遊
巖乘雨至仙翁採藥破雲來天台猶在眉毛
聳鴈蕩依然眼睫開昨夜摘珠人報道海邊

失却小蓬萊

美周都監禱雨驗

旱魃爲妖欲請雩
真人問雨幾時無
先將鳳表投金闕
擬向龍潭下鐵符
彈指雷鳴三霹靂
舉頭雲起一須臾
笑將斗柄輕輕戽
倒瀉銀河萬斛珠

別句呈庚契吳高士

一笑相逢在翠微
綠槐高柳借涼時
只將水竹煙雲與說與
風花雪月知
日落三盃無事酒
人閑八句自然詩
來朝雲過青山外
回首

空聞猿鶴悲

蒙谷

淡煙輕鎖數株松
夜靜瀟瀟古谷風
雲掩草舒青洞綠
鳥銜花落碧巖紅
神仙去後無金劍
仕宦來時有玉桐
不知此後誰人隱
寂寞南來幾朶峯

梅窻

南窻屋數楹
一點陽和生
枝上雪粧瘦
牆頭風作清
霜天酒自煖
月夜夢難成
何處人吹笛
黃昏送幾聲

張進甫靜寮

脫俗臥雲眠宵中別有天壁間五六榻屋上
兩三椽風月真滋味溪山舊面緣靜中有真
靜猿嘯暮林邊

立秋有感

流年急似箭日月跳如丸炎皇初解印白帝
又彈冠方且喜無暑教人又怕寒人生只如
許不覺鼻頭酸

雷怡真小隱送春

天不欲留春東君暗歸去碧梧枝上看瀟瀟

風送雨

旅邸睡起

雲爲山積翠
雨倩草添青
一覺南柯夢
俄然鳥喚醒

詠四仙

韓湘

白雪滿空夜
黃芽一朵春
藍關歸去後
問甚世間人

陳七子

一卷無人識
千鍾對客談
桃花開欲謝
猶自

戀寒巖

何仙姑

闌苑無蹤跡
唐朝有姓名
不知紅玉洞
千古夜猿聲

曹國舅

竊得玉京桃
踏斷京華草
白雪滿蓑衣
內有金丹寶

題胡運幹別墅

悶來愛竹把花嫌
無事看山高
捲簾好鳥一聲飛
過簷清風著力送銀蟾

博山一炷小蛇寒無人獨自坐蒲團柴門却
倩冷風關簷外白雲時往還

詠韓湘

汝叔做盡死模樣雪裏出來無意況賴有當
年花一籃至今推與閑和尚

孤螢

夜靜乘涼坐水亭草頭隱映見孤螢瞥然飛
過銀塘面俯仰浮光兩點星

修真十書武夷集卷之五十

修真十書武夷集卷之五十一五十二 卷八

海 南 日 玉 蟾 著

龍虎山祈雨早行有作

兩三條電復無雨六七點星微上雲鞭起卧
龍我騎去揮戈叱問五雷君

中秋月

風吹玉露洗銀河作露爽氣平分桂影高把

笛倚樓人不寐此心直擬數秋毫

錢塘江上雪飛花人在天邊泛海槎烏鵲一
聲星斗落姮娥梳洗去誰家

千崖爽氣已平分
萬里青天輾玉輪
好向錢塘江上望
相逢都是廣寒人

卧雲

滿室天香
仙子家
一琴一劍
一盃茶
羽衣常帶煙霞色
不惹人間桃李花

織機

第八
試神童曰韓郎
王今其賦之

天地山河作織機
百花如錦柳如絲
虛空白處做一疋
日月雙梭天外飛

舟行

山鎖曉煙迷
紫翠花凝宿雨間
青紅快帆幸

自泛新綠乞與一篙東去風

上清宮方丈後亭

三四聲猿叫落月六七竿竹啼起風夜靜無人知此味還他方丈拙庵翁

贈吳道士

香篆之餘玉童薦觴對譯詩味心思風清借有一絕

斤斧可也

延陵大士詩中虎接武黃陳肩李杜無鹽事
敢陋西施也向雷門聲布鼓

贈何道人

冠褐滿天下幾箇能賢賢忽來龍虎山結造

粥飯緣方丈最高處幽居今幾年一雙岩電
眼識盡地行仙

汞虎鉛龍煉氣神黃芽昨夜一枝春刀圭底
事如何會伏虎朱砂隱水銀

贈張知堂

美

清河知堂武當來左日右月雙眼開高卧雲

堂留夢醒笑騎白鶴歸蓬萊

贈雲谷孔全道

凝神爽氣煉金丹七返從來有九還昨夜一
聲雷霹靂不知人已在泥丸

贈胡葆元

業儒爲見儒多悞學道緣吾道化賢且把功名
權架閣抱琴隨我去修仙

贈薛氏繩歌

其青節如竹之青其白氣如梅之白有時抱
置假山邊被人喚作謫仙客

贈薛氏振歌

麒麟獨異鳳毛輕得龍之秀龜之清麟鳳龜
龍謂四靈爾曹骨氣同崢嶸

與趙寺丞

汞鉛不在身中取，龍虎當於意外求。會得這
些真造化，何愁不曉煉丹頭。

題潘察院竹園壁

夜雨洗開千翡翠，春風撼碎萬琅玕。滿林
鵲卧明月鐵笛一聲煙，正寒。

某八

三

贈徐翔卿之別

桃花落地雨漫漫，字乃擔簦過萬山。臨別有
些無盡意，篇詩送子到崇安。

題莫于山

封到半天煙靄間，一卷仙書一粒丹。城北城

南无老樹又吹竹笛過前山

題胡子山林檜坡

洞賓踢碎金葫蘆夜半姮娥下
蔡珠但見滿天盡角角不知春去鬼擲掄

願庵喜神贊

江月射雙眼岩雲飛兩眉自是上饒一團和
氣點化自家方寸真機能落筆作泣鬼神之神
詩能坐石下爛柯之碁千人萬人瞻禮不已
笑騎白鹿獨步天墀

隸軒真贊

骨氣已神仙玄圃挺生賢面上四時春心次
一壺天人皆就法門棟梁上踔他光景我道
隸軒高士志趣飄然若也未知涯涘爲君指
出言詮丹成若未歸蓬島且結溪山風月緣

潘龍游喜神贊

龍章鳳姿既非嵇叔夜鸞領虎頸又非班定
遠機鳴籟動聽其自然虛心何物何增何損
花滿一壺春色好半斑頰露與人看

郭信叔喜神贊

萬丈崖頭立一梯百丈竿頭垂一手綿團裘

鐵雲包月麒麟海裏翻筋斗回天拓地立教
門斬新氣槩鼎乾坤倪王人指碧溪水盡是
渠儂无盡恩誰乎冲壻之上足郭信叔者也

薛直歲喜神贊

和風滿面紫芝春雙臉常如酒半醺法籙把

某八

除符券柄宗門立盡棟梁勳鳳冠夜戴瓊林

四

月鶴氅朝披玉洞雲自是神仙真氣象多生

曾是薛真君

弔劉心月

劉妙清入水而逝
我來弔以一章

汨羅江上水鳴咽魚鼈不知老龍泣徒棹龍

舟何處尋何不辦取屈原生前一枝楫大吳
江邊伍侯廟夕陽滿樹聞啼鳥行人過此焚
紙錢何不辦取子胥生前一盃酒屈伍死後
今寥寥其名千古如一朝江邊垂淚知幾人
冰魂雪魄不可招哀哉道人劉心月其身貧
甚其性烈少年雖落風塵中末後猛省自擺
脫其心雖美其名腥一旦死于武夷溪之濱
却將九曲溪中水洗却千愁萬恨身曹娥尋
父屍赴水死作婦女英靈鬼柳翠蕭瓊俱水
亡但見渺渺一溪水汝何不自忍些三憂又却

結憤滿心頭水肌玉膚落潭碧黃昏風慘水
空流武夷溪九曲無人垂釣水空綠武夷三
十六峯巒無人結草惟在山月明尋之不知
處尚自哀猿聲不住那堪一夜瀟瀟雨使人
吟盡哀慘句休休心月君亦賢人生不死空

某八

五

百年掀翻四大驚魚龍踏破碧潭深處天李
白騎鯨去捉月知章水底眠霜雪古人猶自
水中逝皆得水化超生訣吾與心月係渠師
來此慘慘煙正飛天空水寒千山暗酌水一
酌心含悲西風吹此兩行生鐵汁去作笛中

聲又急

化修造仙掌

一溪橫綠滿林幽竹曼琅玕兩岸環青市地
蒼苔鋪翡翠乃飛錫登鸞之所作留雲駐鶴
之居翻蓋鴛鴦化現瑠璃宮殿雕粧蝴蝶森
羅碼碯垣牆相逢皆是神仙中人必竟會得
山林下事

為人與煙壺高士求翠虛妙悟全集

書一幅

即斯時江上一葉楓向淡雲新月之外狀出

秋意山林中心境兩清爽矣嘗於水雲中
慕韓景季之久南風北枝未之面面海南先
生言煙壺高士冲鍊太和白膏盈體天女散
花道候真淨古熙口與心言瀛山道院聞有
翠虛妙悟全集正在渴中能周旋此人回否
秋氣滿杖屨況此六百里清妙溪山鞭青牛
迥汗漫訪我於崆峒之間否乎睥睨論金蘭
翹首望胎早圓雲鶴一長笑耳

○ 修真十書武夷集卷之五十一

修真十書武夷集卷之五十二

海 南 白 玉 蟾 著

懷仙吟

神童往矣仙佩遠矣惜乎失誌別於交臂之頃令人不能忘懷有徵于中遂作懷仙吟以表區區慕用之誠時嘉定八年七月二十

七日也

第八

六

我懷仙兮神仙侶霞裾搖曳兮居何所見鶴
長吟猶可覆蓬萊果在半步許空留黑竇落
人間字字成行秋鴈序正心誠意語尤奇誰
識忘形相爾汝

見鶴吟

午吟三華院忽有仙鶴十二隻玄裳縞衣飛鳴盤舞於其

上因作見鶴吟呈倪梅隱虛
副官時七月二十三日也

紙上畫仙掛古壁朝朝暮暮被煙燼泥塑鍾
離木雕木不是元皇大道君近來塵世無丹
訣啞口道人俱不說武夷散人不辱仙只因
一日三境雪白鶴白鶴何方來丹墀絳闕幾
時開空中莫作嘹唳聲片雲冷風何快哉鶴
作聲時我無耳鶴振羽時我無眼蓬萊只是
半步許一生且做老擔板

題玉隆宮壁

旌陽歸去大康年石竈灰寒古洞前笑斬白

龍橫東岸醉騎黃鶴步雲天金丹玉骨不復
得鐵臼石函猶宛然四十二口家何在猿嘯

西山栢樹煙

倪昭卿賦贈葉神童

葉神童棄儒術
從赤松子遊道

高德辨而形散土木年神峻拔不事
修飾其神仙中人也邂逅博雨來歸

深以不及款陪清高之論為歡敬
裁斐句寓知慕之誠切幸教之

神童之貌清且奇神童之道傳希夷入室三
年丹已熟肌膚綽約光離離結繒自覆有餘
樂曄曄紫芝堪療飢跳入壺中人莫見朝遊
五嶽暮瑤池有時混世來塵境短髮鬚鬢滿

面垂頃刻龍蛇生筆下爲將高興寄新詩。
疑虛靜樂山水來歸舊隱掛冠綏願策浮雲。
飛碧落致身絳闕長相隨。

又

神童天縱何聰明十幅一息增榮名若非唐

萊八

七

朝李太白靖通真人當復生擊石轟雷驚四
座寶卷拈出安群情八卦五行有妙用金丹
大藥自然成布衲踰躓賤羅綺銀鈎婉婉鬼
神驚仙山便好留仙佩何必蓬萊頂上行

憶神童歌

高懷落落如可屬芳辭歲製誰摘奇我獨一
覽如醉癡恨不快觀紫芝眉望美人兮天一

涯面不相識心相知青牛不跨萊蕪金波
停飲忘醇醪句高耿耿橫虹蜺列星北斗不
敢輝玄猿號木驥縮蹄霜鶴學翼鬼神悲天
籟自鳴非噓吹肯與蛙蚓湫污泥何當握手
談玄機蟠桃未熟香難期金牌玉字空陸離
碧雲謾鎖騫林枝謫籍塵寰辭玉墀凡埃俗
氣非所宜世緣未了如沸糜徒將姹女媒嬰
兒丹霄玉詔何時飛青鸞久約宴瑤池他年

騎鹿相追隨玉笥山前同採芝

跋語

嗟予慕道今幾年檢盡丹書要學仙鉛汞混
融無法度求金交結欠因緣抽添徒泥傳道
集沐浴不解悟真篇從來玉訣不傳注莫將
紙故徒窮研半語輕逢至人授要斷江山一
回首精勤作用有陰陽反覆短長分前後黃
婆媒娉豈因脾金晶飛躍不在肘若能奪得
天地真始與天地同長久

修職郎新建寧府崇安縣尉翠雲子趙汝

修真十書武夷集卷之五十二